

棗陽縣志卷五

公署

縣署在城內大橫街西元至正二年萬戶府副萬戶某建譙樓明洪武四年知縣吳子俊建正廳後堂幕廳左右庫六吏房前置戒石儀門譙樓旌善申明二亭譙樓內之西爲獄後堂北爲縣宅東爲典史廳西爲承發房儀門東置鄧侯祠土地祠成化間添設縣丞主簿宅於廳東西之北嘉靖二十五年知縣李一龍修譙樓改爲勤民有記三十六年知縣陳應詔重建大堂移舊堂爲川堂重修大門於譙樓外萬曆元年知縣王應辰置架閣庫并榜房又遷大門於樓間卽其址建坊曰楚襄屏翰

棗陽縣志

卷五

公署

一

國朝康熙十年知縣劉嗣煦重修勤民樓更爲據勝樓又於大堂東修贊正廳宅門內之東修書房榜曰聞歌處恢西園植花木爲笑鶴亭雍正三年知縣高鏐因內宅卑隘甃磚爲臺高七尺建宅五楹乾隆二年知縣聞人集奉文建聖諭坊於儀門內十二年知縣徐芳桂重修據勝樓又更名夢奎有記二十年知縣張載遠重修大堂二十三年知縣黃文瑗重修夢奎樓及

聖諭坊嘉慶十五年知縣張世維改修有記勒於西廳之壁  
咸豐元年知縣陳子飭重修二堂三楹花廳三楹又於二堂  
後成正室五間旁室四間以及前之庫房庖廚後之賓舍書  
房又於福德祠東特起廳事五間以爲辦公之用  
縣丞署康熙年間缺裁署廢

主簿署康熙年間缺裁署廢嘉慶六年復設主簿於平林店  
未置署僦舍以居

典史署在縣署儀門內之西咸豐二年知縣陳子飭重修  
監獄在典史署前

棗陽縣志

卷五

公署

二

教諭署舊在明倫堂西北訓導署舊在明倫堂左明萬曆元  
年知縣王應辰改建明倫堂乃移教諭署於堂後宣文閣之  
東咸豐二年知縣陳子飭興修學宮以西齋賓舍折爲西廡  
以南基後之正室地基作忠孝節義祠以東齋之基建明倫  
堂堂後各建內寢五楹堂之左右分建賓舍及齋夫門斗辦  
公寄宿之室同治三年眾紳籌畫於東西齋前各添川堂三  
間又於明倫堂之南修造門樓週圍繚以垣墻  
養濟院在西門內西直街  
育嬰堂在東門內今廢

滌澤園八處康熙五十六年知縣邱綸捐置四處一在東門外十里廟地五畝一在南門外靈通寺地十畝一在西門外雲峯寺地十畝一在北門外清涼寺地八畝乾隆二年知縣聞人集捐置四處東門外沙河店地四畝南門外火官殿地八畝西門外雲峯寺地七畝北門外祖師殿地六畝